

西安府志

第八冊

新平州

知府

PDG

西安府志卷第十七

食貨志下

物產

穀屬

黍詩周頌豐年多黍多稌大雅維秬維秠爾雅秬黑黍秠
一稗二米也馬志飯黍酒黍兩種酒黍黏飯黍不黏飯黍
惟關中有之晉人種飯黍於地三年皆黏不可飯種類有
紫蓋黍有罍籬糜有鵲鵲卵有牛尾串其黑者曰秠曰秬
其黏者釀酒關東所謂黃米酒也不黏者炊飯關西所謂
黃米飯也咸陽志糜似黍而小有酒糜飯糜二種穗舒散
如衫袖夏種秋熟先穀早成高陵志糜懼霧霧遲早糜穫
霧早遲糜穫

按麩卽黍也蘇恭高誘諸人以黍之不黏者爲稷并謂關中謂稷爲麩爾雅翼亦沿其誤蓋止見酒黍未見飯黍故也

稷詩周頌黍稷茂止唐地理志京兆貢紫稷粟馬志關中處處有之其名有竹葉青有牛尾黃有紫稷禾有棒杵穗有櫟花穀有狼尾有驢尾稷之黏者曰秫秫有野鷄紅有紅貓蹄有白貓蹄有豬矢黑有老來變有隔溝拖然大率黏不黏兩種黏者釀酒不黏者炊飯關西所謂粟米小米穀米者皆是咸寧志稷粟穀也有黏粟味軟美色人多釀酒作糕渭南志粟種類頗多佳者名狼尾又名紫羅帶又有名金裹銀銀裹金者又有名疾穀者晚種早熟其穗堅

硬如鐵故又名鐵軸

按爾雅粢稷曲禮曰稷曰明粢郭璞曰天下所謂粟米
正稷米也故今於稷之外不更列粟

稻詩小雅泂池北流浸彼稻田周頌豐年多黍多稌爾雅
黍稻唐地理志京兆貢稻馬志有數十種有米粒如霜而
有線稜者爲線稜稻出樊川其次色青者爲青稜紅者爲
桃花稜爲赤甲稜其黏者爲糯出御宿川樊川及藍田諸
川大率黏者釀酒不黏者炊飯咸寧志字林云糯黏稻也
可釀酒稜稻不黏者又曰稷三川俱產有線稜者佳渭南
志稻產花園及大嶺川者佳澮河川次之

按稷稻本一物本草岐爲二非是又稜卽稷字今不別

出

梁詩大雅維糜維芑集傳糜赤梁芑白梁周禮犬宜梁馬志關中處處有之青者爲青梁白者形如芝蔴爲白梁亦曰芝蔴梁白梁卽芑赤梁麰也黃梁穗大毛長謂之竹根黃

小麥詩周頌貽我來牟爾雅小麥稊唐地理志京兆貢麥本草拾遺小麥出關中者爲上品圖經本草出關中者味甘微寒馬志關中有黑芒麥無芒者爲和尚麥色白者爲白麥紫者爲紫麥色白而粒肥大者爲御麥早熟者爲三月黃皆小麥也咸陽志麥生畢原者上品渭南志出渭河北者粒小食之易化河以南者粒差大而色不光鮮然一

種名三月黃者細膩潔白河北弗如也高陵是也
者曰穢穀其六十日成者曰疾穀

大麥爾雅大麥麴唐地理志京兆貢麴唐本草大麥出關
中味鹹溫微寒馬志隨處有之以秦川爲佳有早熟者三
月輒可食穗有六稜者爲六稜麥有紅皮者爲酒麥爾雅
翼曰生於杏二百日而秀秀後五十日而成宜爲飯又可
爲醋其葉可爲餵高陵志大麥種在小麥之後後十日者
爲植後一月者爲穢渭南志大麥渭南者皮粗粒大
青稞麥本草拾遺似大麥天生皮肉相離秦隴種之王禎
農書有大小二種似大小麥而粒大皮薄多麴無麴西人
種之咸陽志麥有露仁者爲青稞可釀酒

蕎麥廣羣芳譜一名荻麥一名烏麥立秋前後下種密種則實多稀則少八九月熟惟畏霜咸陽志中伏種者最上立秋後種者次之渭南志蕎麥作麩不甚佳可備諸穀之不熟

燕麥唐劉禹錫傳禹錫作元都觀詩言始謫十年還京師道士植桃其盛若霞又十四年過之無復一存唯燕麥動搖春風耳唐本草一名雀麥苗葉似小麥而弱實似穠麥而細

大豆詩大雅執之荏菹廣雅大豆菽也本草綱目有黑白黃褐青斑數色黑者名烏豆可入藥馬志關中處處有之大豆以二月中旬種者爲上咸寧志菽五色各出形味不

一黃白青黑者皆可爲腐渭南志黑豆有大小二種大者早種小者晚種同時熟

赤小豆本草綱目宗奭曰關西多食之枝葉似豇豆筴比綠豆筴稍大三青二黃時取收之

綠豆開寶本草圓小者佳大者名植豆渭南志綠豆性涼煮飯益氣除熱亦可作粉

豌豆唐陸贄狀京兆府先奏當管重食豌豆請據數折納大豆廣羣芳譜豌豆一名葦豆一名胡豆農書云大者爲淮豆渭南志豌豆或粒煮或和煮米粥又可爲粉諸畜賴之茁壯

蠶豆本草綱目二月開花如蛾狀結角似蠶形馬志關中

有蠶豆

豇豆廣羣芳譜莢有紅白紫赤斑駁數色生必兩兩並垂子微曲如人腎形馬志關中有之

藊豆廣羣芳譜一名沿籬豆一名蛾眉豆子有黑白赤斑四色渭南志扁豆可雜炊米麥

脂麻本草綱目胡麻卽脂麻有遲早二種黑白赤三色有四稜六稜七稜八稜者皆隨土地肥瘠而然咸陽志三月種九月熟味甘寒可榨爲油

麻子毛詩傳苴麻子也本草綱目一名漢麻以別胡麻也爾雅翼麻之屬總名麻別而言之則有實者名苴無實者

名案馬志出南北山

薏苡仁本草綱目有二種粘牙者尖而殼薄米白色如糲
卽薏苡也圓而殼厚堅硬者卽菩提子其米少卽粳糲也
關內周容錄產盩厔者佳

果屬

梅詩召南標有梅周禮天官饋食之籩其實乾櫞注乾櫞
梅也西京雜記上林苑梅七朱梅紫葉梅紫萼梅同心梅
麗枝梅燕梅猴梅纂要李白遊慈恩寺僧獻綠英梅

杏西京雜記上林苑有蓬萊杏又有文杏謂其樹有文彩
也杏譜金杏大如梨黃如橘武帝上林苑遺種也一名漢
帝杏廣羣芳譜巴旦杏一名八擔杏關西諸處皆有咸寧
志花千葉者曰文杏又曰巴旦杏又有梅杏似李而大

西陽志卷七
莸詩周南桃之夭夭灼灼其華有蕢其實西京雜記上林苑有秦桃細核桃欖桃金城桃綺葉桃紫霜桃文桃開元天寶遺事明皇禁苑中有千葉桃盛開帝曰不獨萱草忘憂此花亦能銷恨圖經本草桃陝西者尤大而美咸寧志有甘核者名巴旦桃又有扁桃李光桃味佳花有千葉者曰碧桃絳桃緋桃唯山桃花開最早三原志桃出張村里者佳

李詩召南華如桃李小雅北山有李西京雜記上林苑有紫李綠李朱李黃李青綺李青房李同心李含枝李金枝李顏淵李羌李燕李蠻李侯李述異記杜陵有金李李大者謂之夏李尤小者謂之鼠李耕桑偶記終南山出好李

賁侯富民以千金買種有致富者類要貞觀中玉華宮李樹連理隔澗合枝咸寧志李有赤黃二種咸陽志李有赤青綠黃數色渭南志李稱御黃者生

梨西京雜記上林苑有青梨芳梨六谷梨細葉梨縹葉梨金葉梨瀚海梨東王梨紫條梨三秦記武帝御宿園出大梨如五升瓶落地則破其取梨先以布囊承之號曰含消雲陽宮記雲陽車箱坂下有梨園一頃梨數百株青翠繁密望之如車蓋庾肩吾啟新豐箭谷枝懸六觔馬志昔人言梨以京兆爲稱本草綱目耀州產者佳渭南志梨名香水者佳蓋屋志梨間重至觔難久貯

山梨詩秦風隰有樹檟傳檟赤羅也疏一名山梨人謂之

楊槎一名鹿梨一名鼠梨西京雜記上林苑棹十株上林賦註張揖曰亭山梨也

棠梨詩召南蔽芾甘棠傳杜也疏郭璞曰今之杜梨又曰杜赤棠白者棠西京雜記上林苑棠四赤棠青棠白棠沙棠註張揖曰沙棠狀如棠黃華赤實其味似李無核

榘西京雜記上林苑查三蠻查羌查猴查本草綱目一名木桃一名和圓子一名木梨一名木李廣羣芳譜處處有之小於木瓜更酢澀色微黃蒂核皆粗

棣詩小雅常棣之華陸疏白棣樹也又有赤棣樹爾雅郭註關西有棣樹子如櫻桃可食

櫻桃史記叔孫通傳孝惠帝曾春出游離宮叔孫生曰古

者有春嘗果方今櫻桃熟可獻上林賦註一名含桃西京雜記上林苑楔四株唐中宗紀上遊櫻桃園引中書門下五品以上諸司長官學士等入芳林園嘗櫻桃地理志京兆府貢櫻桃咸寧志一名鶯桃鶯多啣食故名

枇杷上林賦註枇杷檍柿張揖曰枇杷似榭樹而長葉子如杏西京雜記上林苑枇杷十株德宗紀大歷十四年罷山南貢枇杷

柰西京雜記上林苑柰三白柰紫柰綠柰紫柰大如升核紫花青其汁如漆著衣不可浣名脂衣柰本草綱目有白赤青三色皆夏熟關西人以赤柰楸子取汁塗器中名果單廣羣芳譜一名頻婆西土最豐渭南志天而不酸者佳

蘋果廣羣芳譜果如梨而圓滑生青熟則半紅半白

按本草柰與蘋果爲一物而羣芳譜謂爲一類二種朱彝尊又謂蘋果卽召南所稱甘棠

林檎西京雜記初脩上林苑羣臣遠方各獻名果異樹有林檎十株述異記林檎佳美關輔乃有

枳椇詩小雅南山有枸陸疏其狀如櫨官園種之謂之木蜜關內周咨錄古今注枳椇子一名樹蜜杜工部入喬口詩樹蜜早蜂亂卽此秦中呼爲拐棗

蒲萄上林賦註蒲陶似燕輿可作酒博物志張騫使西域還得蒲萄南部新書太宗破高昌收馬乳蒲萄種於苑中併得酒法仍自損益造酒成綠色芳香酷烈味若醍醐

葡萄百樹今在京兆非止禁林也後涼錄龜茲國蒲萄漢使取實來離宮別館傍盡種咸寧志唐太宗收馬乳蒲萄釀酒長安始識

棗漢王吉傳吉少時學問居長安東家有大棗樹垂吉庭中漢武內傳西王母爲帝設玉門之棗西京雜記上林苑有弱枝棗玉門棗棠棗青華棗赤心棗西王棗渭南縣志馬牙者佳

柿酉陽雜俎慈恩寺中柿樹是法力上人手植咸寧志柿爲類甚多實可備饑渭南志重臺與小而圓者佳三原志柿出豆村者佳

棣柿西京雜記上林苑有青棣赤葉棣烏棣廣羣芳譜一名漆柿一名花棣柿之小而卑者

軟棣西京雜記上林苑有棣棣廣羣芳譜一名棣棣其木類柿而葉長但結實小而長一種圓如指大者尤美

木瓜明皇雜錄元獻皇后思食酸味明皇以告張說因進經袖出木瓜以獻本草綱目葉光而厚實小如瓜圓小味酢者爲木桃大於木桃味濇者爲木李亦曰木梨

安石榴西京雜記上林苑有安石榴十株博物志漢張騫使西域得塗林安石榴種以歸故名洪氏雜錄溫湯七聖殿繞殿石榴皆太真所植北戶錄鄭虔云石榴堪作胭脂唐宗女代國公主常爲之取其實於禁中叢生成林昭